

Njoftim për punësim

Punonjës social, për të ofruar shërbime mbështetëse të specializuara për fëmijën dhe familjen në Bashkinë Korçë

Pozicioni i punës	Punonjës social
Periudha e kontraktimit	Mars 2025 - Prill 2026
Zona e projektit	Bashkia Korçë
Data e mundshme e fillimit të punës	05 Mars 2025
Lloji i kontratës	Kontratë pune individuale me kohë të plotë (13 muaj)

Nisma për Ndryshim Shoqëror ARSIS kërkon të punësojë një punonjës social, për të ofruar shërbime mbështetëse të specializuara për fëmijën dhe familjen në Bashkinë Korçë, në kuadër të programit Bashkimi Evropian për Kujdesin Social (EU4SocialCare) i financuar nga BE dhe i zbatuar nga UNICEF Albania dhe World Vision Albania.

Punonjësi social do të ketë për detyrë të zbatojë në kohë dhe me cilësi aktivitetet e projektit në Bashkinë Korçë, për mbështetjen e Bashkisë Korçë për të ofruar shërbime të specializuara në përputhje me nevojat e fëmijës dhe familjen pranë Shërbimit Mbështetës për Fëmijën dhe Familjen në Bashkinë Korçë.

Rreth Nisma për Ndryshim Shoqëror ARSIS

Nisma për Ndryshim Shoqëror ARSIS (shkurtimisht NISMA ARSIS) është një organizatë jofitimprurëse, e cila është themeluar në shkurt të vitit 2016. NISMA ARSIS është një aktor jo qeveritar me influencë në sektorin e shoqërisë civile në Shqipëri.

Misioni i NISMA ARSIS është angazhimi për avancimin e të drejtave të fëmijëve, të rinjve dhe familjarëve të tyre që përballen me vulnerabilitet, duke ofruar shërbime gjithëpërfshirëse dhe duke lehtësuar integrimin me dinjitet të tyre në shoqëri. NISMA ARSIS advokon dhe lobon në nivel lokal dhe qendror mbi çështjet e mbrojtjes së fëmijëve dhe të rinjve, zhvillimit dhe pjesëmarrjes, përmirësimit të kushteve social-ekonomike të familjeve të tyre dhe fuqizimit të kapaciteteve të shërbim ofruesve, organizatave jofitimprurëse, profesionistëve dhe aktorëve të tjerë të cilët punojnë me fëmijët në situatë vulnerabel.

Përshkrimi i Projektit

Projekti po zbatohet në Bashkinë Korçë “Forcimi i krijimit dhe ofrimit të shërbimeve të kujdesit social për të mbrojtur fëmijët dhe komunitetet vulnerabel në Bashkinë e Korçës dhe Durrësit” në kuadër të programit Bashkimi Evropian për Kujdesin Social (EU4SocialCare) i financuar nga BE dhe i zbatuar nga UNICEF Albania dhe World Vision Albania. Metodologjia e propozuar bazohet në parimet e Konventës për të Drejtat e Fëmijës (CRC), standardeve ndërkombëtare të kujdesit alternativ për fëmijët dhe prioritetëve kombëtare, duke përfshirë programin e Qeverisë së Shqipërisë, i cili synon të avancojë një sistem të mbrojtjes sociale gjithëpërfshirës dhe të përgjegjshëm për të mbështetur individët gjatë gjithë ciklit të jetës. Ajo përdor një model socio-ekologjik që vendos fëmijën në qendër të të gjitha ndërhyrjeve, i rrethuar nga katër shtresa kryesore: kujdestarët/familja, komuniteti, kultura dhe shoqëria, si dhe mjedisi më i gjerë/politikat.

Në bashkinë Korçë, Qasja përqendrohet në krijimin e një modeli të plotë dhe multidisiplinor të

shërbimeve, i cili ka në prioritet integrimin e kujdesit dhe mbrojtjes sociale, me fokus në përfitimet për fëmijët, mbështetjen familjare dhe përmirësimin e cilësisë dhe aksesit të shërbimeve të kujdesit. Nevojat e menjëhershme dhe afatgjata të fëmijëve adresohen përmes planeve të mbështetjes individuale dhe menaxhimit të integruar të rasteve. Këto përfshijnë këshillimin, terapinë dhe ndihmën psikosociale për të forcuar qëndrueshmërinë emocionale, së bashku me mbështetje të personalizuar arsimore dhe aktivitete të përfshirjes në komunitet. Qëllimi është të sigurohet që çdo fëmijë të zhvillohet në një mjedis të kujdesshëm që ka në prioritet mirëqenien, zhvillimin dhe ndjeshmërinë e tij/saj ndaj çështjeve gjinore. Projekti fuqizon kujdestarët, duke përfshirë familjet biologjike, ofruesit e kujdestarisë alternative dhe stafin institucional, me njohuritë dhe aftësitë e nevojshme për të ofruar kujdes cilësor. Një fokus i veçantë i kushtohet përfshirjes aktive të baballarëve dhe kujdestarëve meshkuj, duke i inkurajuar ata të marrin pjesë në mënyrë aktive në rolet prindërore dhe të kujdesit. Kjo përfshin edhe fuqizimin e fuqisë punëtore të angazhuar në ofrimin e modeleve të reja të shërbimeve sociale, duke siguruar që shërbimet të adresojnë nevojat specifike si të grave ashtu edhe të burrave. Në bashkëpunim me Bashkinë e Korçës dhe aktorët lokalë, projekti forcon sistemet e mbështetjes të bazuara në komunitet. Këto përpjekje përfshijnë modelimin e shërbimeve të specializuara brenda Qendrës për Shërbime të Mbështetjes për Fëmijët dhe Familjet, duke siguruar që shërbimet të jenë të aksesueshme dhe të përshtatshme me kontekstin kulturor.

Nën mbështetjen dhe supervizimin e plotë të ekipit koordinues të programit, ***Punonjësi social, do të ketë këto përgjegjësi:***

- Identifikon, vlerëson, mbështet dhe siguron ndërhyrje efikase për përfituesin bazuar në të gjitha procedurat e standardizuara në metodologjinë e menaxhimit të rastit në bashkëpunim me stafin e SHMFF, NJMF, NJVNR, aktorët lokalë dhe komunitetin;
- Identifikon të gjitha shërbimet e ofruara në komunitet dhe realizon menaxhimin e rastit duke shfytëzuar në mënyrë optimale të gjitha burimet ekzistuese në komunitet.
- Është aktiv përmes punës në terren, realizimit të vizitave në familje, në bashkëveprim me stafin e SHMFF, Drejtorisë së Shërbimit Social në Bashki dhe aktorët mbështetës në shërbim të komunitetit;
- Planifikon dhe organizon aktivitete në përputhje me termat e projektit dhe kalendarit të punës;
- Përgatit dhe mirëmban dokumentacionin në lidhje me funksionin e punës në përputhje me procedurat financiare dhe administrative të projektit;
- Asiston në zbatimin e procedurave të menaxhimit të rastit nën koordinim të ngushtë me PMF dhe Koordinatorin e projektit, ndërsa informon në kohën e duhur për çdo informacion të rëndësishëm ose çështje që lind gjatë zbatimit;
- Raporton pranë koordinatorit të projektit çdo rast të identifikuar gjatë vlerësimit në terren të fëmijëve në vështirësi dhe në nevojë për mbrojtje;
- Raporton në kohë, me cilësi për punën e kryer bazuar në instrumentat e standardizuar sipas protokollit të punës në përputhje me paketën ligjore për të drejtat dhe mbrojtjen e fëmijëve.
- Kryen detyra të ndryshme që lidhen me punën sipas planit të aktiviteteve të parashikuara në projekt dhe në funksion të mbarëvajtjes së punës;
- Merr pjesë në mënyrë aktive në takimet e grupit teknik ndërsektorial të organizuar nga NJMF;
- Respekton Kodin e Etikës në punën me fëmijët dhe tregon kujdes gjatë materialeve të promovimit të punës për çështje të ndjeshme që lidhen drejtpërdrejtë me parimin e mosdiskriminimit, konfidencialitetit dhe interes më të lartë të fëmijës.

- Informon dhe këshillon familjet për shërbimet dhe aktivitetet në komunitet, si dhe për shërbimet në nivel bashkie, në mënyrë që të sigurohet për ta një mbështetje e integruar dhe reaguese në kohë për t'u përgjigjur nevojave të tyre;
- Bashkërendon mbështetjen për individët e familjet në nevojë si dhe referimin drejt shërbimeve të kujdesit social në nivel vendor, rajonal e qendror, sipas fushës së përgjegjësisë dhe mundësisë për ta ofruar shërbimin e nevojshëm.
- Mbikëqyr dhe monitoron në vazhdimësi të ecurisë së rasteve, si dhe vlerësimin për përshtatshmërinë e shërbimit të ofruar.

Kualifikimet:

- Diplomë universitare në Shkencat Sociale.
- Kualifikime që lidhen me çështje të mbrojtjes së të drejtave të fëmijëve dhe familjeve;

Eksperiencat:

- Të ketë experience pune mbi 3 vjet në sistemin e mbrojtjes së fëmijëve, shërbimet shoqërore dhe punës për fuqizimin e familjeve dhe komunitetit;
- Eksperienca të mëparshme në organizata partnere të shoqërisë civile (preferohet);
- Të jetë njohës shumë i mirë i paketës ligjore për politikën e mbrojtjes së fëmijëve;
- Të ketë njohuri shumë të mira në menaxhimin e rasteve, veçanërisht me fëmijët jashtë kujdesit prindëror apo në kujdes alternativ;
- Aftësi shumë të mira komunikimi dhe nderveprimi në punën në grup;
- Njohuri shumë të mira të gjuhës shqipe dhe të gjuhës angleze;
- Aftësi shumë të mira të përdorimit të kompjuterit, paketa Microsoft Word, Excel, email, etj
- I/e gatshëm/e për të udhëtuar/lëvizur në terren;
- Të kuptojë dhe të dakortësojë me misionin dhe qëllimin e Nisma ARSIS

Politikat e Mbrojtjes së Fëmijëve: Të gjithë personat që punojnë me programet e Nisma ARSIS janë të detyruar të respektojnë politikën e mbrojtjes së fëmijëve, politikën e mbrojtjes nga abuzimi dhe shfrytëzimi seksual, rregulloren e brendshme të Nisma ARSIS, kodin e sjelljes, Legjislacionin e plotë për Mbrojtjen e Fëmijëve si dhe çdo dokument tjetër për të cilin duhet të ketë dijeni.

Procedura e aplikimit:

Personat e interesuar duhet të dergojnë së bashku me kërkesën për aplikim në email ose me postë edhe dokumentat si më poshtë:

- një kopje të jetëshkrimit profesional (CV)
- një letër interesi

brenda dates **02 Mars 2025** në info@nisma-arsis.org , ose me postë në adresën: Rruga "Sali Butka", Pallati T.B.M, Shkalla 2, Apartamenti 1, Kati 1, Njesia Bashkiake Nr.7, PC 1023, Tirana Albania.

Ju lutemi, në vemendjen tuaj që:

- në subjekt të emailit ose zarfit ku dërgohet aplikimi të vendoset: **Aplikim për pozicionin e punonjësit social për shërbime mbështetëse të specializuara në Bashkinë Korçë**
- vetëm personat e përzgjedhur për intervistë do të kontaktohen.